

摩訶僧祇律

籍


保

护

才  
二  
十  
二

三百九  
棋二

49836



摩訶僧祇律卷第三十二

攝

東晉三藏法師佛陀跋陀羅共沙門法顯譯

雜誦跋渠法第九之十

共食法者佛住舍衛城。爾時六群比丘共食  
爲世人所嫌。云何沙門釋子如世間姪姪人  
共食。乃至佛言呼六群比丘來。來已佛語比  
丘。汝實不答言實。爾世尊佛言。從今日後  
不聽共食。共食者共一器食。食者五正食。五  
雜正食。應別器食。若無鉢者。應用鈎鉢。若糠  
粃若復無者。應團飯。著左手中。右手食。若復  
不能者。應置鉢著草葉上。更互取食。不得俱  
下手。離五正食。五雜正食。若麩若餅菓菜共

食無罪若共器食者越毗尼罪是名共食法  
机食者佛住舍衛城如來以五事利益故五  
日一行諸比丘房見難陀優波難陀房中食  
机種種盡色佛知而故問此是誰食机種種  
盡色諸比丘荅言是難陀優波難陀食机佛  
言從今日後不聽机上食復次佛住舍衛城  
如來五事利益故五日一行諸比丘房見一  
夜手比丘佛知而故問比丘調適安樂不荅  
言世尊我夜手破鉢世尊制戒不聽机上食故  
不樂佛言從今日聽病比丘机上食不聽種  
種盡色若僧食机種種盡色無罪若私有聽  
一種色病比丘机上食時應先立心作念得

用無罪若比丘不病一切不聽机上食若老  
病痲手刺頭出血若鉢重若滿若熱若冷得  
机上食無罪若比丘不病机上食者得越毗  
尼罪是名机法

食蒜并覆鉢  
共坐同器食

細結及罽帶

食机種種色

騎乘同牀眠

第八跋渠竟

為殺者佛住舍衛城時難陀優波難陀遊行  
還舍衛時有一舊檀越名阿拔吒是比丘時  
到著入聚落衣持鉢入其家檀越見已作是  
言阿闍梨何故希行多時不見比丘言長壽  
我希行來欲與我作何等好食荅言我明日  
當與阿闍梨作食比丘言汝莫作織師食便

問言何等名織師食比丘言麁飯豆羹是檀  
越言我不與阿闍梨麁飯豆羹當與肉食比  
丘言汝莫與我冷肉荅言我不與阿闍梨冷  
肉當熟煮與比丘言我所謂熱不謂此熱問  
言何等熱比丘荅言新死熱肉檀越言若欲  
尔者明日早來當在阿闍梨前殺者可得熱  
比丘荅言尔到明旦著衣持鉢往至其家檀  
越即牽羊猪鷄列在比丘前殺供養已去檀  
越嫌言沙門瞿曇無數方便毀咎殺生讚歎  
不殺而此沙門目前教殺與自殺何異諸比  
丘以是因緣往白世尊佛言呼難陀優波難  
陀來來已佛問比丘汝實尔不荅言實尔世

尊佛言比丘此是惡事乃至佛言汝云何現  
前教殺從今日後不聽為殺為殺者為比丘  
殺為比丘殺者一切比丘比丘尼式叉摩尼  
沙彌沙彌尼優婆塞優婆夷盡不得食如是  
乃至為優婆夷殺一切比丘不得食乃至優  
婆夷亦不得食為有三事見聞疑見者現前  
眼見為殺不聽食是名見聞者耳自聞或從  
他聞為殺不聽食若前人是不可信故欲擾  
亂比丘者不應受語當從可信人邊取定是  
名聞疑者比丘至檀越家常見羊後往正見  
頭脚在地見已心即生疑應問前所見羊為  
在何處若言已為阿闍梨殺者不應食若言

尊者我爲祠天故殺食不盡與得食是名疑  
如是一切衆生若見若聞疑亦如是是名爲  
殺人肉者佛住舍衛城介時舍衛城中有優  
婆塞名唎卑其婦亦名唎卑有客比丘來亦  
名唎卑時優婆塞聞已便作是念阿闍梨與  
我等同字當往請食即詣精舍請來家中設  
種種飲食供養已頭面禮足胡跪合掌白言  
尊者唯願受我四事請衣食床卧病瘦湯藥  
比丘即便受請時夫主欲逐商人遠行囑婦  
言我遠行汝在後當好供養阿闍梨勿使有  
乏去後比丘不和欲服下藥語優婆夷言我  
欲服下藥能隨時次第料理食不荅言可尔



服下藥已隨次第應病與食清粥強粥次須  
肉持芻利沙槃與婢言持是往買肉來其婢  
入市值齋日都無殺者不得而還時優婆夷  
心生不悅言阿闍梨服藥若不得隨病食者  
或能增動即磨蕪菁子以油漬之便入房內  
即以利刀割髀肉語婢言汝持此肉以蕪菁  
子油淨洗作食與阿闍梨問阿闍梨明日復  
須何等食其婢如教辦食送往問言明日更  
須何食荅言止莫復更送時優婆夷患瘡而  
卧其夫商人行還作是念我常遠行還時婦  
出二門三門迎我今何故不出入房見婦卧  
床上便瞋恚言汝何慢我不出耶其婦荅言

此行有何功夫欲使我迎荅言我行得百千  
萬來其婦荅言此是外財何足為奇我自割  
身肉供給阿闍梨其夫問言為割何處即便  
褰衣示之其夫見已迷悶倒地時有鬼神即  
語比丘時比丘聞已便入慈三昧定力感之  
平復如故其婦語夫言起起勿怖阿闍梨威  
神故我瘡已平復其夫起已見瘡平復即大  
歡喜往到店肆上作如是言我家婦精進如  
是割身供養衆人聞已嫌言云何沙門釋子  
噉人肉諸比丘以是因緣往白世尊佛言呼  
是比丘來來已佛問比丘汝實尔不荅言實尔  
世尊我不入定故佛言從今日後不聽食人肉

復次佛住波羅奈仙人鹿野苑時有比丘黃  
病醫師言尊者服人血者可差若不服者便  
死更無餘方時有人犯王事反縛兩手著迦  
毗羅華鬘打鼓唱令詣其刑處比丘至魁臚  
邊作是言長壽施我人血飲魁臚言若欲食  
肉亦當相與何況血耶即坐罪人在地以刀  
刺兩喉脉出血比丘兩手承取血飲為世人  
所嫌此非比丘是噉人鬼即以瓦石土塊遙  
擲是比丘劣而得脫諸比丘以是因緣往白  
世尊佛言呼是比丘來來已佛問比丘汝實  
尔不荅言實尔世尊佛言比丘此是惡事愛  
命乃尔佛言從今已後不聽飲人血乃至人

髓一切不聽若比丘頭生瘡醫言須人骨灰  
塗得瘡者得塗塗已不得衆中任應在邊小  
房中任瘡已應淨洗浴還入衆中

復次佛住毗舍離時有一種姓食龍肉諸比  
丘亦有食龍肉者以是故殺者衆多時有一  
龍女到世尊床前立任而啼佛知而故問汝  
何故啼耶時龍女白佛言世尊毗舍離人食  
龍諸比丘亦食以是故殺者衆多唯願世尊  
勿令諸比丘食龍尔時世尊為龍女隨順說  
法示教利喜而去時世尊往到衆多比丘所  
敷尼師壇而坐即為比丘具說上事從今已  
後不聽食龍肉龍血龍骨龍筋龍髓一切不

聽食若身外有諸病須骨灰塗者得用無罪  
佛住王舍城時瓶沙王象死有諸小姓旃  
羅食肉諸比丘亦有食者時耆舊童子至佛  
所頭面禮足却住一面白佛言世尊瓶沙王  
象死有小姓旃羅噉肉諸比丘亦有噉比  
丘者是出家人人所敬重唯願世尊莫令食  
象肉世尊為童子隨順說法示教利喜頭面  
禮足而退時世尊往至衆多比丘所敷尼師  
壇坐為諸比丘具說上事佛言從今已後不  
聽食象肉乃至象髓亦不聽食聽以象牙骨  
作鉢支衣細結無罪佛住王舍城時瓶沙王  
馬死亦如上象中說若外有癰疥病須馬血

塗者無罪塗已不得衆中住應在邊小房中  
住佛住舍衛城時諸比丘食狗肉入聚落時  
爲狗逐覓吠諸比丘以是因緣往白世尊乃  
至佛言從今已後不聽食狗肉乃至狗髓不  
聽食若爲狗所啣須燒狗毛塗瘡者得用無  
罪佛住舍衛城時有比丘食烏肉比丘入聚  
落乞食或林中經行時群鳥逐鳴諸比丘以  
是因緣往白世尊乃至佛言從今已後不聽  
食烏肉乃至烏髓亦不聽食若須翅翮外用  
者無罪佛住舍衛城時有比丘食鷲鳥肉比  
丘林中經行有諸群鷲逐比丘鳴喚諸比丘  
以是因緣往白世尊乃至佛言從今已後不

聽食鷲鳥肉乃至鷲髓亦不聽食若須翅翮  
外用者無罪一人肉二龍肉三象肉四馬肉  
五狗肉六烏肉七鷲鳥肉八猪肉九獼猴肉  
十師子肉蒜者生熟皮葉一切盡不聽食若  
須外用塗瘡聽用若塗已不得衆中住當在  
邊小房中住瘡已應淨洗浴還聽入衆是名  
肉蒜皮法者佛住舍衛城時難陀優波難陀  
至牧牛家坐一床上有新生犢子見比丘衣  
色似母跳踉來趣比丘即以手摩額上細滑  
觸手便作是言此皮軟好可作坐具時牧牛  
人便作是念此比丘是王大臣貴勝所識有  
大力勢故當欲得是皮即問阿闍梨欲須皮

耶我當與比丘便言正與我此犢皮牧牛人  
言我家中有成死犢皮亦軟好當柔治相與  
比丘言審與我者正與我是更不須餘者時  
牧牛人便作是念此比丘有大勢力能作不  
饒益事畏難故即比丘前殺犢剥皮與之時  
犢母放還不見其子順籬鳴喚牧牛人嫌言  
沙門釋子而無慈心使沙門在犢母處者意  
當云何諸比丘以是因緣往白世尊佛言呼  
難陀優波難陀來來已佛問比丘汝實尔不  
答言實尔世尊佛言比丘此是惡事汝云何  
現前殺殺從今已後不聽用皮皮者牛皮水  
牛皮虎豹皮熊皮鹿皮如是一切皮不聽坐



唯聽恕奴邊地羊皮羊有二種一者殺羊二  
羴羊殺羊羴羊各有十種如上說若坐皮上  
越毗尼罪若坐皮兜羅襪上者二越毗尼罪  
若坐革屣上越毗尼罪若卧革屣上齊膝以  
上越毗尼罪膝以下無罪若皮織牀坐上無  
罪指脚物者佛住舍衛城時難陀優波難陀  
作種種指脚物洗足外道弟子見已便作是  
念我等當共試擾亂優婆塞去如上屑末中  
廣說乃至佛言從今已後不聽用種種物指  
洗脚指物者若方若圓剋上如摩沙豆蒙具  
豆形一切不聽用脚底有垢破得團草若埽  
瓦聽用是名指脚物眼藥者佛住王舍城時

世人節日男女出城遊觀時六群比丘有以  
空青莊眼有以黑物莊眼爲世人所嫌云何  
沙門釋子如貴勝童子以空青莊眼有見黑  
物莊者復言沙門釋子如下賤使人黑物莊  
眼而行此壞敗人何道之有諸比丘以是因  
緣往白世尊乃至佛言從今已後不聽莊眼  
復次佛住舍衛城時耆舊童子菴婆羅園時諸  
比丘眼痛耆舊童子言尊者可以此藥塗眼  
諸比丘言世尊制戒不聽塗眼童子言我當  
往從世尊乞此願即往佛所頭面禮足却住  
一面白佛言世尊諸比丘是一食人眼是人  
之所重唯願世尊聽諸比丘著眼藥佛言從

今已後聽用眼藥除空青若醫言尊者此眼  
痛得空青屑塗便瘥更無餘方若尔者得塗  
塗已不得衆中任應在邊小房中瘥已當淨  
洗得還入衆是名眼藥筒者佛任舍衛城時  
諸比丘持樹葉盛眼藥佛知而故問比丘此  
是何等荅言是眼藥佛言眼藥是貴物應用  
筒盛時諸比丘作金銀筒益佛言金銀及一  
切寶不聽用應用銅鐵白錫竹箒筐鳥翻下  
至皮裹是名藥筒眼藥籌者佛任舍衛城時  
有比丘持竹作眼藥籌佛知而故問比丘此  
是何等荅言世尊是眼藥籌佛言眼是軟物  
應用滑物作籌時有比丘便以金銀作佛言

不聽金銀及一切寶物作應用。銅鐵牙骨梅  
檀堅木作指摩令滑澤。下至用指頭是名眼藥。  
籌法蓋法者佛住王舍城。世人節會日男女  
遊觀時。六群比丘持種種雜色傘蓋。有持樹  
皮傘蓋者。為世人所嫌。云何沙門釋子如王子  
大臣持種種雜色傘蓋。見持樹葉者。復作是  
言云。何沙門釋子如王賤使。人持樹葉傘蓋  
行此壞敗人何道之。有諸比丘以是因緣。往  
白世尊。乃至佛言。從今已後。不聽持傘蓋。  
復次佛住舍衛城時。長老阿那律金毗羅在  
塔山安居。竟還舍衛禮拜世尊。佛知而故問  
比丘。衣何故鹹汗。乃尔。比丘荅言。世尊制戒

不聽持傘蓋我乞食被雨是故如是佛言從  
今已後聽持傘蓋傘蓋者樹皮蓋樹葉蓋竹  
蓋如是等傘蓋聽用不聽種種雜色傘蓋是  
名傘蓋法扇法者世人節會日男女遊觀時  
六群比丘持雲母莊校扇有持草扇者爲世  
人所嫌云何沙門釋子如王子大臣持雲母  
莊校扇有見持草扇者復言云何沙門釋子  
如下賤使人持草扇行此壞敗人何道之有  
諸比丘以是因緣往白世尊乃至佛言從今  
日後不聽持扇復次佛住毗舍離諸比丘在  
禪房中患蚊子以衣扇作聲佛知而故問比  
丘作何等如象振耳作聲比丘荅言世尊制

戒不得捉扇諸比丘患蚊故以衣拂故作聲  
佛言從今已後聽捉竹扇篲扇樹葉扇除雲  
母扇及種種盡色扇若僧扇作種種色無罪  
若私扇聽一色若有持種種香塗扇來施者  
聽洗已受用是名扇法

拂法者佛住王舍城世人節會日男女遊觀  
時六群比丘持白猫牛尾拂以金銀作柄有  
持馬尾拂者為世人所嫌乃至佛言從今日  
後不聽用拂復次佛住毗舍離諸比丘禪房  
中患蚊故以樹葉拂蚊作聲佛知而故問比  
丘此何等聲荅言世尊制戒不聽捉拂是故諸比  
丘以樹葉拂蚊作聲佛言從今已後聽捉拂

拂者經拂列疊拂芒草拂樹皮拂是中除白  
猫牛尾白馬尾金銀柄餘一切聽捉若有白  
者當染壞色已聽用捉拂時不得如姪女捉  
拂作恣作想是名拂法

為殺食人肉

眼藥并筒籌

牛及揩脚物

傘蓋及扇拂

第九拔渠竟

刀治者佛住舍衛城時有比丘痔病語醫言  
長壽能為我刀治不荅言尔醫便作是念此  
諸沙門聰明智慧見我治者便學得不復求  
我即遣諸比丘去已欲作非法時諸比丘即  
生疑喚諸比丘言長老來此醫欲作非法諸  
比丘聞即便來入醫怖畏棄刃而走諸比丘

以是因緣往白世尊佛言呼彼比丘來來已  
佛問比丘汝實不答言實不世尊佛言比  
丘汝云何用刀治愛處從今已後不聽用刀  
治愛處愛處者離穀道邊各四指若有癱瘓  
癩聽嚼小麥雞屎塗上使熟當令同和上阿  
闍梨搗破若餘處有癱瘓癩等諸病須刀治  
者聽用用刀治愛處者偷蘭罪是名刀治灌  
筒者佛住舍衛城有比丘乾痲病語醫言長  
壽能爲我灌病不答言可尔即作是念此諸  
沙門聰明智慧見我灌者更不復喚我乃至  
棄筒而走諸比丘以是因緣往白世尊乃至  
佛言汝云何用筒灌病從今已後不聽用筒



筒者牛皮筒水牛皮筒羊皮筒如是一切不聽用灌若毀豐言此病須油灌者應在浴室中穿板盛油褰衣坐上口含甘蔗若復以蠱衣絮等內著油中臨孔上椽之令油流入者無罪若用筒灌者偷蘭罪是名灌筒法

剃髮法者佛住舍衛城南方國土有邑名大林時有商人驅八牛到北方俱哆國復有一商人共在澤中放牛時離車捕龍食之捕得一龍女龍女受布薩法無殺心能使人穿鼻牽行商人見之形相端正即起慈心問離車言汝牽此欲作何等荅言我殺噉商人言勿殺我與汝一牛買取放之令去捕者不肯乃

至八牛方言此肉多美今爲汝故我當放之  
即取八牛放龍女去時商人尋復念言此是  
惡人恐復追逐更還捕取即自隨逐看其所  
向到一池邊龍變爲人身語商人言天施我  
命今欲報恩可共我入宮當報天恩商人答  
言不能汝等龍性卒暴瞋恚無常或能殺我  
答言不尔前人繫我我力能殺彼但以受布  
薩法故都無殺心何況天今施我壽命而當  
加害若不去者小住此中我先入拚擋官  
中即便入去是龍門邊見二龍繫在一處見  
已商人問言汝爲何事被繫答言此龍女半  
月中三日受齋法我弟兄守護此龍女不堅

固爲離車所捕得以是故被繫唯願天慈語  
今放我此龍女若問欲食何等食者龍宮中  
有食盡壽乃消者有二十年消者有七年消  
者有閻浮提食若索者當索閻浮提人間食  
龍女拚擋已即便呼入坐寶牀褥上龍女白  
言天今欲食何等食爲欲一食盡壽乃至荅  
言欲須閻浮提人間食即持種種飲食與問  
龍女言此何故被繫龍女言天但食用問爲  
不尔我要欲知之爲問不已即語言此人有過  
我欲殺之商人言汝莫殺不尔要當殺之商  
人言汝放彼者我當食耳自言不得直尔放  
之當罰六月擯置人間即罰六月人間商人

見龍宮中種種寶物莊嚴宮殿商人問言汝  
有如是莊嚴用受布薩爲答言我龍法有五  
事苦何等五龍生時龍眠時龍姪時龍瞋時  
龍死時龍一日之中三過皮肉落地熱沙暴  
身復問汝欲求何等答言我欲求人道中生  
所以者何畜生道中苦不知法故我已得人  
身應求何等龍女言出家難得又問當就誰  
出家答言如來應供正遍知今在舍衛城未  
度者度未脫者脫汝可就出家便言我欲還  
歸龍女即與八餅金語言此是龍金足汝父  
母眷屬終身用不盡語言汝合眼即以神變  
持著本國行伴先至語其家言入龍宮去父

母謂兒已死眷屬宗親聚在一處悲號啼哭  
時放牧者及取薪草人見已先還語其家言  
某甲來歸家人聞已即大歡喜出迎入家入  
家已爲作生會作生會時以八餅金持與父  
母此是龍金截已更生盡壽用之不可盡也  
唯願父母聽我出家其父母不放即便走詣  
祇洹精舍比丘即度出家父母尋後逐來至  
精舍門問諸比丘汝識某甲不皆言不見不  
聞有比丘語言汝但此門間住若有者須臾  
自當出入即如其言須臾待之便見兒出作  
是嫌言沙門釋子妄語見言不見聞言不聞  
兒語父母莫作不饒益事我此間出家誰都

得知即往至佛所頭面禮足却坐一面佛為  
說法示教利喜得法眼淨已即語兒言我等  
便是更生汝今出家大得善利諸比丘聞向  
嫌言以是因緣往白世尊佛言呼彼比丘來  
來已佛問比丘汝實不吝言實余佛語比  
丘汝云何不白僧度人出家從今日後不聽  
不白僧度人出家應白剃髮出家白者白一  
切僧下至白上座八人應語令使如法白剃  
髮不白出家得越毗尼罪若俱白出家俱無  
罪若都不白出家不白剃髮二越毗尼罪二  
俱白者無罪若出界度者無罪是名剃髮佛  
住王舍城迦蘭陀竹園如來處處度人比丘

比丘尼優婆塞優婆夷國王長者外道沙門  
婆羅門佛告比丘汝等從今已後亦當度人  
出家受具足介時諸比丘亦學如來善來度  
人出家鬚髮故在佛語諸比丘何處一切得  
如來無畏口鬚髮自落從今已後應剃髮時  
諸比丘剃髮不剃鬚有比丘剃鬚不剃髮諸  
比丘以是因緣往白世尊佛言應一切剃剃  
者應先剃鬚後剃髮若剃髮人難共語者前  
剃髮無罪若欲新出家者不得便說出家樂應  
說出家苦一食一住一眠少食少飲多覺少  
眠長壽能不若言能應與剃比丘先剃髮後  
剃鬚無罪是名剃髮剃髮具者佛在俱薩羅

國遊行故名婆羅門聚落摩訶羅父子持剃  
髮具出家乃至佛言汝等云何剃髮人持作  
具與出家從今日後不聽合剃髮具與出家  
若剃髮人持剃髮具欲求出家者應語捨剃髮  
具然後與汝出家已後欲須時得從借用如是  
鍛師木師金銀師皮師織師如是工師皆不  
聽持作具度出家若合度者越毗尼罪是名  
作具破僧者佛住舍衛城介時尊者優波離  
往至佛所頭面禮足却住一面白佛言世尊  
說破僧云何名破僧佛告優波離如大德比  
丘如法如律善解深理是比丘應禮拜恭敬  
隨順法教若比丘謂彼比丘所說非法不隨



順行僧諍非破僧乃至一界一住同說戒共  
作羯磨我已制一界一住中別作布薩自恣  
羯磨是名破僧尊者優波離復白佛言破僧  
者得何等罪佛言一劫泥犁罪是名破僧和  
合僧者佛住舍衛城尔時尊者優波離白佛  
言世尊說和合僧云何名和合佛告優波離  
我已制如大德比丘如法如律善解深理是  
比丘應禮拜恭敬諸比丘隨順行法共一界  
住共一布薩自恣共作羯磨是名僧和合尊  
者優波離往至佛所頭面禮足却任一面向  
佛言世尊和合僧有何功德佛言一劫善報  
是名和合僧五百比丘集法藏者

佛住王舍城。尔時阿闍世王。辜提希子。與毗舍離。有怨。如大般泥洹經中。廣說。乃至世尊。在毗舍離。於放弓杖塔邊。捨壽。向俱尸那城。熙連禪河側。力士生地。堅固林中。雙樹間。般泥洹。於天冠塔邊。闍維。乃至諸天。使火不然。待尊者大迦葉。故時尊者大迦葉。在耆闍崛山。寶鉢羅山窟中。坐禪。時尊者大迦葉。作是念。世尊已捨壽。欲何處。般泥洹。今在何處。少病少惱。安樂住。不作是念。已即入正受。三昧。以天眼觀。一切世界。見世尊在俱尸那城。熙連河側。力士生地。堅固林中。雙樹間。天冠塔邊。闍維。乃使火不然。見已。慘然不悅。復作是念。

及世尊舍利未散當往禮敬尋復念言我今  
往見世尊最後身不宜乘神足往宜應步詣  
時尊者大迦葉語諸比丘言諸長老世尊已  
般泥洹各持衣鉢共詣俱尸那竭禮覲世尊  
諸比丘聞已皆言善哉時尊者摩訶迦葉即  
與衆多比丘俱詣俱尸那竭路經一聚落中  
有一摩訶羅比丘先在中住尊者摩訶迦葉  
告摩訶羅言持衣鉢來共汝詣俱尸那竭城  
禮覲世尊摩訶羅言長老大迦葉且待前食  
後食訖然後當去迦葉荅言不宜待食摩訶  
羅殷勤至三迦葉故言不宜待時摩訶羅恚  
言沙門有何急事忿忿乃尔如烏死不直一

錢且待須臾食已當去尊者大迦葉復言宜  
且置食摩訶羅世尊今已泥洹及未闍維宜  
應速往時摩訶羅比丘聞佛已般泥洹語尊  
者迦葉言我今永得解脫所以者何彼摩訶  
羅在時常言是應行是不應行今已泥洹應  
行不應行自在隨意時大迦葉聞此語已慘  
然不悅即彈右指火出右足蹈地摩訶羅見  
已大怖而走乃至大迦葉往詣佛所世尊即  
現兩足從棺雙出時尊者大迦葉見佛足已  
偏袒右肩頭面作禮說此偈言

如來足踝滿 千輻相輪現 指纖長柔輭  
合縵網文成 是故我今日 頂禮最勝足

最勝柔輒足

曾遊行世間

大悲濟群生

從今永不會

是故我今日

誓首如來足

如來救濟我

解脫得應真

我今最後見

永已不復覲

斷世衆疑惑

離欲中最上

利益一切衆

無不得歡喜

是故我今日

頂禮最勝足

佛有如是德

善答決衆疑

今日時已過

慈悲光永滅

是故我今日

誓首最勝足

我證四真諦

說佛功德寶

偈讚禮敬訖

還攝雙足入

諸比丘各議言誰應闍維時尊者大迦葉言

我是世尊長子我應闍維是時大衆皆言善

哉即便闍維闍維已迦葉憶聚落中摩訶羅

比丘語乃至欲行便行不行即止即語諸比丘言長老世尊舍利非我等事國王長者婆羅門居士衆求福之人自當供養我等事者宜應先結集法藏勿令佛法速滅尋復議言我等宜應何處結集法藏時有言向舍衛有言向沙祇有言向瞻婆有言向毗舍離有言向迦維羅衛時大迦葉作是言應向王舍城結集法藏所以者何世尊記王舍城耆提希子阿闍世王於聲聞優婆塞無根信中最爲第一又彼王有五百人牀卧供具應當詣彼皆言尔世尊先語尊者阿那律言如來般泥洹汝應守護舍利勿使諸天持去所以然者過

去世時如來般泥洹諸天持舍利去世人不能得往失諸功德諸天能來人間供養世人不能往彼除其神足是故應好守護侍者阿難復以供養故不去時大迦葉即與千比丘俱詣王舍城至刹帝山窟敷置牀褥莊嚴世尊座世尊座左面敷尊者舍利弗座右面敷尊者大目連座次敷長老迦葉座如是次第安置牀褥已辦四月供具結集法藏故悉斷外緣大眾集已中有三明六通德力自在者於中有從世尊面受誦一部毗尼者有從聲聞受誦二部毗尼者有從世尊面受誦二部毗尼者有從聲聞受誦一部毗尼者衆共論言此中

應集三明六通德力自在從世尊面受誦二  
部毗尼者從聲聞受誦二部毗尼者集已數少  
二人不滿五百復議言應滿五百長老阿那  
律後到猶少一人時尊者大迦葉為第一上  
座第二上座名槃頭盧第三上座名優波那  
頭盧時尊者大迦葉自昇己座唯留尊者舍  
利弗目連阿難座已諸比丘各隨次而坐時  
尊者大迦葉告尊者目連共行弟子梨婆提  
長老汝至三十三天呼唎提那比丘來世尊  
已般泥洹比丘僧集欲結集法藏即受命往  
三十三天白言長老世尊已般泥洹比丘僧  
集欲結集法藏故來相喚比丘聞已慘然不



悅世尊已般泥洹耶荅言尔便言世尊在閻  
浮提者當往世尊已般泥洹世間眼滅即以  
神足上昇虚空入火光三昧以自闍維見已  
即還來入僧中具說上事乃至言入火光三  
昧復遣至三十三天尸利沙翅宮喚憍梵波  
提次長老善見在香山長老頗頭洗那在遊  
戲山長老拔佉梨在瞻婆山復有長老鬱多  
羅在淨山尊者目連弟子名大光在光山尊  
者舍利弗弟子名摩藪盧在漫陁山尊者羅  
社在磨羅山如是等乃至聞喚皆般泥洹復  
遣使往毗沙門天宮喚修蜜哆使至已作是  
言長老世尊已般泥洹比丘僧集欲結集法

藏故來相喚比丘聞已慘然不悅言世尊已  
般泥洹耶荅言尔便言世尊在閻浮提者我  
當詣彼世尊般泥洹世間眼滅即以神足上  
昇虛空入火光三昧以自闍維入無餘泥洹  
使還僧中具白僧如上大迦葉言諸長老且  
止勿復喚餘諸聞喚者便自泥洹若更喚者  
復當泥洹如是世間便空無有福田有比丘  
言諸長老尊者阿難是佛侍者親受法教又  
復世尊記阿難有三事第一宜應喚來大迦  
葉言不尔如此學人入無學德力自在衆中  
喻如疥癩野干入師子群中時尊者阿難料  
理供養訖來到一聚落中作是言我今此中

宿明日當詣王舍城時有天來語阿難言大  
迦葉言尊者是疥癩野干阿難作是念世尊  
已泥洹我今正欲依附云何持我作疥癩野  
干心生不悅復作是念是大迦葉足知我眷  
屬姓字正當以我結使未盡故作是言耳時  
尊者阿難勤加精進經行不憊欲盡有漏時  
尊者阿難以行道疲苦又復世尊泥洹憂惱  
纏心先所聞持不復通徹尋作是念世尊記  
我於現法中心不放逸得盡有漏用太苦為  
心不捨定傾身欲卧頭未至枕得盡有漏三  
明六通德力自在即以神足乘空而去到刹  
帝窟戶外而說偈言

多聞有辯才

給侍世尊者

瞿曇子阿難

今在門外立

由不與開門

又復說偈言

多聞巧辯才

給侍世尊者

已捨結使擔

瞿曇子在外

今時大迦葉而說偈言

汝捨煩惱擔

自說言得證

未入瞿曇子

來入瞿曇子

阿難入已禮世尊座訖次禮上座到已坐處

便坐時大迦葉語阿難言我不自高亦不輕

慢於汝故作是言但汝求道不進欲使精勤

盡諸有漏故說此言耳阿難言我亦知但以

我結使未盡欲使精勤斷諸有漏時尊者大  
迦葉問衆座言今欲先集何處衆人咸言先  
集法藏復問言誰應集者比丘言長老阿難  
阿難言不尔更有餘長老比丘又言雖有餘  
長老比丘但世尊記汝多聞第一汝應結集  
阿難言諸長老若使我集者如法者隨喜不

如法應遮若不相應應遮勿見尊重而不遮  
是義非義願見告示衆皆言長老阿難汝但  
集法藏如法者隨喜非法者臨時當知時尊  
者阿難即作是念我今云何結集法藏作是  
思惟已便說經言如是我聞一時佛住鬱毗  
羅尼連河側菩提曼陀羅尊者阿難適說是

言五百阿羅漢德力自在者上昇虛空咸皆喟  
歎我等目見世尊今已言聞悉稱南無佛已  
還伏本座今時阿難說此偈言

勤修習正受

見諸法生滅

知法從緣起

離癡滅煩惱

勤修習正受

見諸法生滅

知法從緣起

證諸法滅盡

勤修習正受

見諸法生滅

知法從緣起

摧伏諸魔軍

勤修習正受

見諸法生滅

知法從緣起

如日除衆冥

尊者阿難誦如是等一切法藏文句長者集

為長阿含文句中者集為中阿含文句雜者

集為雜阿含所謂根雜力雜覺雜道雜如是

比等名爲雜一增二增三增乃至百增隨其  
數類相從集爲增一阿含雜藏者所謂辟支  
佛阿羅漢自說本行因緣如是等比諸偈誦  
是名雜藏尔時長老阿難說此偈言

所有八萬諸法藏

如是等法從佛聞

所有八萬諸法藏

如是等法從他聞

如是等法我盡持

是佛所說趣泥洹

是名撰集諸法藏

次問誰復應集毗尼藏者有言長老優波離

優波離言不尔更有餘長老比丘有言雖有

長老比丘但世尊記長老成就十四法除如

來應供正遍知持律第一優波離言諸長老

若使我集者如法者隨喜不如法者應遮若  
不相應應遮勿見尊重是義非義願見告示  
皆言長老優波離但集如法者隨喜非法者  
臨時當知尊者優波離即作是念我今云何  
結集律藏五淨法如法如律隨喜不如法律者  
應遮何等五一制限淨二方法淨三戒行淨  
四長老淨五風俗淨制限淨者諸比丘住處  
作制限與四大教相應者用不相應者捨是  
名制限淨方法淨者國土法亦與四大教相  
應者用不相應者捨是名方法淨戒行淨者  
我見某持戒比丘行是法若與四大教相應  
者用若不相應者捨是名戒行淨長老淨者



我見長老比丘尊者舍利弗目連行此法與  
四大教相應者用不相應者捨是名長老淨  
風俗淨者不得如本俗法非時食飲酒行姪  
如是一切本是俗淨非出家淨是名風俗淨  
如是諸長老若如法者隨喜若不如法應遮  
諸比丘荅言相應者用若不相應者臨時當  
遮時尊者優波離語阿難長老有罪清淨衆  
中應當悔過阿難言有何等罪荅言世尊乃  
至三制不聽度女人出家而汝三請是越毗  
尼罪時尊者大迦葉擲籌置地言是第一籌  
即時振動三千大千世界復次佛在毗舍離  
佛告阿難毗舍離般樂放弓杖塔可樂若得

四神足者可住壽一劫一劫有餘若佛在世  
世人得見汝言如是世尊如是修伽陀汝不  
請佛住世越毗尼罪次下第二籌復次汝右脚  
指躡世尊僧伽梨衣縫而汝不知是僧伽梨  
是諸天世人塔應恭敬耶是越毗尼罪次下第  
三籌復次佛告阿難取水來如是至三汝不  
與世尊取水是越毗尼罪下第四籌復次佛告  
阿難我臨般泥洹時當語我我當為諸比丘  
捨細微戒而汝不白越毗尼罪下第五籌復  
次佛般泥洹而汝以佛陰馬截示比丘尼是  
越毗尼罪下第六籌復次佛般泥洹已力士  
諸老母臨世尊足上啼淚墮足上汝為侍者

不遮是越毗尼罪下第七等壽尔時阿難不受  
二罪作是言長老過去諸佛皆有四衆是故  
三請度比丘尼佛在毗舍離三告不請佛住  
世者我尔時是學人爲魔所蔽是故不請是  
中犯五越毗尼罪長老如法作已時尊者優  
波離作是言諸長老是九法序何等九一波  
羅夷二僧伽婆尸沙三二不定法四三十尼  
薩耆五九十二波夜提六四波羅提提舍尼  
七衆學法八七滅諍法九法隨順法世尊在  
某處爲某甲比丘制此戒不皆言如是  
優波離如是優波離復言毗尼有五事記何  
等五一者修多羅二毗尼三義四教五輕重

修多羅者五修多羅毗尼者二部毗尼略廣  
義者句句有義教者如世尊為刹利婆羅門  
居士說四大教法輕重者盜滿五重減五偷  
蘭遮是名五事記毗尼長老如是應學復有  
五毗尼何等五一者略毗尼二廣毗尼三方  
面毗尼四堅固毗尼五應法毗尼略毗尼者  
五偏戒廣毗尼者二部毗尼方面毗尼者輸  
奴邊地聽五事堅固毗尼者受迦絺那衣捨  
五罪別眾食乃至不白離同食應法毗尼者  
是中法羯磨和合羯磨是名應法毗尼餘者  
非羯磨如是集毗尼藏竟喚外比丘入語  
言諸長老如是集法藏如是集毗尼藏有此

丘言諸長老世尊先語阿難欲爲諸比丘捨  
細微戒爲捨何等有比丘言世尊若捨細微  
戒者正當捨威儀有言不正捨威儀亦當捨  
眾學有言亦捨四波羅提提舍尼有言亦應  
捨九十二波夜提有言亦應捨三十尼薩耆  
波夜提有言亦應捨二不定法時六群比丘言  
諸長老若世尊在者一切盡捨大迦葉威德  
嚴峻猶如世尊作是言咄咄莫作是聲即時  
一切咸皆默然大迦葉言諸長老若制復開  
者當致外人言瞿曇在世儀法熾盛今日泥  
洹法用頽毀諸長老未制者莫制已制者我  
等當隨順學此法從何處聞從尊者道力聞

毗尼阿毗曇雜阿含增一阿含中阿含長阿  
含道力復從誰聞從尊者弗沙婆陀羅聞弗  
沙婆隨羅從誰聞從尊者法勝聞法勝從誰  
聞從尊者僧伽提婆聞僧伽提婆從誰聞從  
尊者龍覺聞龍覺從誰聞從尊者法錢聞法  
錢從誰聞從尊者提那伽聞提那伽從誰聞  
從尊者法護聞法護從誰聞從尊者者婆伽  
聞者婆伽從誰聞從尊者弗提羅聞弗提羅  
從誰聞從尊者耶舍聞耶舍從誰聞從尊者  
差陁聞差陁從誰聞從尊者護命聞護命從  
誰聞從尊者善護聞善護從誰聞從尊者牛  
護聞牛護從誰聞從尊者叵舍羅聞叵舍羅

從誰聞從尊者摩求哆聞摩求哆從誰聞從  
尊者摩訶那聞摩訶那從誰聞從尊者能護  
聞能護從誰聞從尊者目哆聞目哆從誰聞  
從尊者巨醯聞巨醯從誰聞從尊者法高聞  
法高從誰聞從尊者根護聞根護從誰聞從  
尊者耆哆聞耆哆從誰聞從尊者樹提陁婆  
聞樹提陁婆從誰聞從尊者陁婆波羅聞陁  
婆波羅從誰聞從尊者優波離聞優波離從  
誰聞從佛聞佛從誰聞佛無師自悟更不從他聞  
佛有無量智慧爲饒益衆生故授優波離優波  
離授陁婆波羅陁婆波羅授樹提陁婆樹提陁  
婆如是乃至授尊者道力道力授我及餘人

我等因師教 從無上尊聞 聞持誦毗尼  
賢聖所行法 世尊內法藏 紹繼釋迦後  
各各共護持 今法得久住  
是名五百結集法藏竟

摩訶僧祇律卷第三十二

攝

捷瓷

二字音

此慈

麴

尺

小

机

居

矣

疾

音

拔

吒

下竹 價反 祠天

上音 詞

味

卑

上元

音

所

奏

朔料 理

上音 寮

剎

利

上居

例

反

燕

菁

下音 精

漬

在智

骨

肉

上蒲

反

褰

衣

上

去

苑

反

紆

遠

鬚

鬚

反

莫

班

魁

臚

上

四

反

土

塊

下

對

傾

齒

齧

俗

魚

結

反

上

翅

翻

上

音

下

反

鳥

鷲

就

下音

犢

讀

跳

踉

條

二字

音

額

額

吾

二

同

客



反 輒 濡 軟 字 熊 殺 羊 上 音 羈 羊 上 奴 侯 反

筒 盛 成 下 音 筆 筮 上 音 于 鬼 反 籌 直 流 牯 牛 上 交 反 莫

正 作 疊 音 瘳 病 上 直 癱 瘞 上 紆 恭 反 爵 在 約

擿 破 的 上 他 反 瘳 銷 絮 息 慮 捕 音 拚 擋 聲 二 字 並 去

擯 必 刃 反 鍛 師 上 下 熙 連 上 許 慘 然 上 七 忿

七 紅 反 足 跟 下 音 輻 福 音 纖 息 廉 合 緹 下 宮 反 莫 噉

提 上 音 佉 丘 迹 敷 音 疥 瘡 下 蘇 喟 嘆 上 衣

縫 下 逢 字 去 聲 頽 毀 上 徒 同 叵 反 可 醯 呼 方 嚴 喉 下

